

غير الطيبه والحنيه
وصورتك وصوتك واسمك
ورسمك
حتي وانت بتقول الاله
انا اللي كنت بحسك
اللي مات انا
وانت اللي عايشه سيرتك

(الحلم)

كان الحلم كبير وانا صغير
وشايف نفس الصورة بتتعايق
انام وخاف اصحي
لا الحلم يتوه بلا رجعة
كبرت وحلمي جوايا
و عقل الطفل بيطارد سنيني
بيجري في كل خطوة

ويعد ايامي الحزينة
ما عدش باقي من حلمي
غير شوية سكات
وشط ترسي عليه السفينه
يمكن لما اشوفك
زي ما كنتي في حلمي عروسة
با يدك تغزلي توب الامل
واولادك حواليكى نجم وقمر
لكن انتي ليه احيانا قاسية
بتنسي اللي خااك واللي باعك
انتى بتكونى شوية غلطانه
لما الراية تكون فى ايد مجرمه
وتنسى ان فى ملامحنا براءه
والصوره اللي فى الحقيقة مؤلمه
انهضى لا الحلم بيا يطول
واخاف اشوفك مستسلمه
والحب اللي رويته بدمى

مش خسارة فيكي يا امي

عشتي وعاش ولادك

يزرعوا ورد جناينك

لكن نفسي اقول لجنايبك

انا ابنك

عشقك ونيلك و ترابك

بردك وضلك وشمسك ونهارك

انا اللي في صلاتي بدعيلك

وكل ما اسمع اسمك

تنزل دموعي واغنيك

يا ست الحبايب قلبي بيدق

وكل نبضه فيه انتي

عاشقك و راسمك على صدري

و حروفك وشم محفور

في ايامي وعمرى
